

Na osnovu člana 73, 74. i 75. Statuta Kompanije "Elektroprenos – Elektroprijenos BiH" a.d. Banja Luka, ("Službeni glasnik BiH", broj: 86/05, 103/06, 60/14, 24/15, 76/15 i 55/17) i Odluke broj: UO-12-10/2024 od 23.02.2024. godine, Upravni odbor "Elektroprenos – Elektroprijenos BiH" a.d. Banja Luka r a s p i s u j e

JAVNI KONKURS

**za izbor i imenovanje direktora operativnih područja
"Elektroprenos – Elektroprijenos BiH" a.d. Banja Luka
na mandatni period od 4 godine**

- 1. Direktor Operativnog područja Tuzla, mjesto rada: Tuzla**
- 2. Direktor Operativnog područja Banja Luka, mjesto rada: Banja Luka**
- 3. Direktor Operativnog područja Mostar, mjesto rada: Mostar**
- 4. Direktor Operativnog područja Sarajevo, mjesto rada: Sarajevo**

Opšti uslovi :

- a) da je državljanin Bosne i Hercegovine;
- b) da je stariji od 18 godina;
- c) da ima manje od 65 godina u trenutku imenovanja;
- d) da nije osuđivan za krivično djelo i privredni prestup nespojiv s funkcijom lica na višoj rukovodnoj poziciji u Kompaniji, u periodu od posljednjih 5 (pet) godina od dana pravosnažnosti presude, isključujući vrijeme zatvorske kazne, odnosno da nije osuđivan za krivično djelo ili privredni prestup nespojiv s dužnostima direktora operativnih područja Kompanije, te da se protiv njega ili nje ne vodi postupak;
- e) da nije otpušten iz državne službe u institucijama Bosne i Hercegovine, odnosno entiteta, kao rezultat disciplinske mjere u periodu tri godine prije dana objavljivanja ovog konkursa;
- f) da se na njega ili nju ne odnosi član IX (1) Ustava Bosne i Hercegovine;
- g) da mu nije zakonom zabranjeno obavljanje drugih dužnosti;
- h) da ne postoji interes u drugoj kompaniji koji bi mogao dovesti do otvorenog sukoba interesa.

Posebni uslovi:

- a) visoka stručna sprema, diploma elektrotehničkog fakulteta ili odgovarajuće kvalifikacije;
- b) minimalno 5 godina radnog iskustva u upravljanju ili vođenju poslova prenosa na terenu;
- c) značajno iskustvo i stručnost u područjima rada i održavanja prenosa električne energije, rukovođenja ljudima, kontrole budžeta i finansijske kontrole, planiranja poslova i projektnog menadžmenta;
- d) dobro poznavanje radnih normi, standarda, odredbi i zakona u području prenosa električne energije, uključujući one koji se odnose na zdravstvenu zaštitu, zaštitu na radu, zaštitu okoline i prava pristupa.

Uz potpisanu prijavu na Konkurs, kandidati su dužni dostaviti dokaze o ispunjavanju opštih i posebnih uslova:

- biografiju – sa adresom stanovanja i kontakt telefonom;
- uvjerenje o državljanstvu, ne starije od šest mjeseci;
- izvod iz matične knjige rođenih;
- diplomu;

- uvjerenje o radnom iskustvu u trajanju od najmanje 5 godina na poslovima upravljanja ili vođenju poslova prenosa na terenu,
- uvjerenje da nije osuđivan za krivično djelo i privredni prestup nespojiv s funkcijom lica na višoj rukovodnoj poziciji u Kompaniji, u periodu od posljednjih 5 (pet) godina od dana pravosnažnosti presude, isključujući vrijeme zatvorske kazne, odnosno da nije osuđivan za krivično djelo ili privredni prestup nespojiv s dužnostima direktora operativnih područja Kompanije, ne starije od 3 mjeseca;
- uvjerenje da se protiv njega ne vodi krivični postupak, ne starije od 3 mjeseca;
- ovjerena izjava:
 - da nije otpušten iz državne službe u institucijama Bosne i Hercegovine, odnosno entiteta, kao rezultat disciplinske mjere u periodu tri godine prije dana objavljivanja ovog konkursa;
 - da se na njega ne odnosi član IX (1) Ustava Bosne i Hercegovine;
 - da mu nije zakonom zabranjeno obavljanje drugih dužnosti;
 - da ne postoji interes u drugoj kompaniji koji bi mogao dovesti do otvorenog sukoba interesa;
 - ovjerena izjava o značajnom iskustvu i stručnosti u područjima rada i održavanja prenosa električne energije, rukovođenja ljudima, kontrole budžeta i finansijske kontrole, planiranja poslova i projektnog menadžmenta,
 - ovjerena izjava o dobrom poznavanju radnih normi, standarda, odredbi zakona u području prenosa električne energije, uključujući one koji se odnose na zdravstvenu zaštitu, zaštitu na radu, zaštitu okoline i prava pristupa.

Svi dokumenti koji služe kao dokaz o ispunjavanju uslova, dostavljaju se u originalu ili kao ovjerena kopija.

Kandidati koji se prijavljuju na više pozicija, podnose prijavu na svaku poziciju pojedinačno i uz svaku prijavu dostavljaju traženu dokumentaciju.

Sa svim kandidatima koji ispunjavaju uslove Konkursa, obaviće se intervju, o čijem vremenu i mjestu održavanja će biti blagovremeno obaviješteni.

Javni Konkurs će se objaviti u "Službenom glasniku BiH", "Službenom glasniku Brčko Distrikta" u dnevnim listovima "Glas Srpske" Banja Luka, "Oslobođenje" Sarajevo i "Večernji list" Mostar i na web stranici "Elektroprenos - Elektroprijenos BiH" www.elprenos.ba.

Rok za dostavljanje prijava je 15 dana od dana objavljivanja.

Ako Konkurs ne bude istovremeno objavljen, rok će se računati od dana posljednjeg objavljivanja.

Nepotpune, neblagovremene i neuredne, prijave neće se uzeti u razmatranje.

Prijavu slati preporučeno na adresu: "Elektroprenos – Elektroprijenos BiH" a.d. Banja Luka, ul. Marije Bursać br. 7a, 78 000 Banja Luka, sa naznakom:

"PRIJAVA NA KONKURS ZA IZBOR I IMENOVANJE DIREKTORA OPERATIVNIH PODRUČJA "ELEKTROPRENOS–ELEKTROPRIJENOS BIH" A.D. BANJA LUKA – NE OTVARATI".